

勉行堂詩集



08084

勉行堂詩集卷十九

古欽

程晉芳

魚門

白艾集

起丁亥二月  
盡十月

次韻望山師約春園偶成

西園煙景澹堪親，點綴工夫絕等倫。石漸坡陀成峭削，樹從蒼  
老發鮮新。詩書盡檢能怡性，風月閑談妙寫真。想展雲箋布菅  
席，祇容池鶴伴吟身。

夜錄長籤待漏稀，仰看天闕散星璣。三千牘未酬今債五十年，  
將悟昨非別墅頻遊。隻眼豁好山難買，寸心違江南籬舍梅花。  
白誰討春光戒野駢。

與褚丈鶴侶同直疊前韵二首奉贈

夜談絕勝一編親，樹義森嚴語有倫。秋士關心憐境寂，春花到

勉行堂詩集卷九

眼闕時新，公羊喻餅殊堪味。斥鷃捨榆自葆真，各有葺荷綬蕙。  
念補籬何日寄閑身。

相次行年鬢髮稀，自知燕石抵瓊璣。語除臧否工諧謔，德喻支  
離罕是非。小喜詎能妨大隱，時將摧主事無營未用嘆多違。看公歎

段行遊樂肯羨班，輪服兩駢。

題陸丈葵霈吳淞歸棹圖

宵夢不偏仄，浩蕩觀湖江。披襟曉兀坐，吹塵風滿窗。讀書足慰  
意矧，乃圖歸艫膠塘。一片石干山，丈許幢草堂。所固有老樹，吟  
孤腔。離心撫鄉景，急駛同奔淙。昨遊春明春，人物觀宗邦。子賢  
奉鍾粟，孫戲圍珠缸。書味展箱篋，酒滴開峯簍。興闌整裝臺，文  
度心驚懍。相招有林麓，拓翠排陸峴。帆斜檣影直，岸矗濤頭撞。  
寔志在烟水，獨樂不可雙。賤子慕蓴鱸，逐逐念未降。息機待隨



躡古柳維船楫

輓家南岐兒

衰門無吉事摧折到斯人上壽纔稱祝浮踪已脫塵昨傳雙眼  
暗詢我近年貧此意良深厚高墳綠草春

科名登綺歲郎署耿星光武畧森雄戟洪波捍漫塘淵源有游  
謝吟咏泊裴王式靡扶顛力松身百丈強

晚年耽靜攝却掃卧江干識定知書隙才高審事難極立詩選  
輯寡和曲鳴彈此日孤寒士舉帷涕泗瀾

昔訪白沙居呼孫出拜余結綯今有室凭几舊傳書白業千秋  
盛華胥一枕虛他時述顛末銘誌敢辭諸

拂珊副憲招飲時晴軒看藤花漫成一首

巨晚花期訊給孤

給孤寺街東呂宅藤花最有名今年開特遲

那知照眼此紛敷席

《絕行賞齋卷五

二

間好影垂枝蔓意外新吟入畫圖

時讀題畫扇二管領風光推絕句歇座嘆服

白傅料量酒醴到麻姑

同飲滄酒絕佳

夜闌更遣燈環映吹面繁香襲

襖襦

山桃始開用東坡坐上賦戴花韵

小桃也作玉珊珊纔及春中破粉妍強項頗容松作伴

相近有小松一

本出頭未讓杏爭先支窗亭午教傳盞夾岸烘晴記放船續續  
開猶禁十日不孤寒食雨餘天

丁香花

丁香瑣碎不足名繁艷差宜慰枯槁兩株環列庭左右高及層  
簷如樹葆日繞花間怪放遲及至爭閑虞謝早瓏玲墜玉薄朝  
華細結清愁難淨掃地寒候淺蜂蝶稀一二過墻徐探討晚來  
粉色防月奪拂處風枝任尊倒三杯酒力苦不勝獨賞情懷終

草草北方此種稍易植翦雍功深開愈好花將謝時須盡翦故  
居紫藤應吐莢此是新知露頭腦無何又趁海棠顛自哂狂夫  
狂漸老

三月十九日同籀石宮詹儉堂太守秋帆侍講仲思編修  
綉蘭司直杉亭厚石耳山三舍人調夫孝廉法源寺看

海棠過耳山寄盧留飲作

香山飲酒九百首東野踏春一百回當時得景貴陶寫有花詎  
可虛樽疊法源海棠吾舊雨慣攜密侶尋芳荻適來探花花迸  
蕊坐久日炙爭妍開亭亭冉冉光灼灼力軟正藉微風擡階陰  
一本罕跗萼披紛翠葉清無埃鐘魚唱梵拜衲子轉頭誰復憐  
斯材矧持戒律拒羣飲苦苦造次傳藤盃天紅相對鎮索寞吾  
友拍臂呼去來寓廬距寺十弓地捐簷絕少大樹栽彼問花態  
勉行堂詩集卷九  
三

笠屐硯歌

自冬徂春靚兩硯疊山謝暨文山文玉帶生疑是贗製銘語缺  
滯異昔聞真者微聞進

大內揆天藻捧玉葉雲于古讀書貴辨僞以書例硯吾亦云最  
後復觀笠屐硯熊光氣陵蒼雲葵齋放誕宵顛米尚友乃慕  
東坡君方磚硯子泐其背長髯戴笠穿屐裙商邱絹本小弗類  
面腴手曳持青篋當時取意不取貌奚必畫一爲區分正如小  
冠着半臂東坡自海外歸毘陵病暑著小冠雖無笠屐亦出羣  
風神散朗衣氍毹披半臂坐船上見周輝清波雜志似主賓圖互卧春葩未



許誇秋黃廣陳鎮上西日曛濡髮搗筆乘微醺端淳四絕畫居  
一賴爾供事隨昏昕紫芝俞生趙同里鐫名想見交沐熏震澤  
三橋又藏弄大都流轉南江濱竊林給諫條收得硯匣小字揮  
顏筋撫茲片石寄感慨翻綠寶爰生憂懂于粵之東達京國傳  
示不異尊索墳山桃花開風息氛晴窗篆香心字焚試墨細膩  
場芳芬下崑嫡瓜雀眼紋冷浸水骨從溪法長尺廣半厚溢寸  
微凹厥背施重焚家貧吉金鮮一斤把玩自哂徒殷勤還之姑  
聽束紫纒畧觀也解百念紛寓意不帶中欣欣誰能購之日耕  
耘與余東井同策勳予所藏坡公東井硯  
頃子京家故物也攜將北宋誇南宋  
几橫陳足張軍

法源寺看牡丹晚飲蘭泉前輩寓齋

唐寺依然種牡丹數枝娟態倚叢蘭僧棲別院愛閑好

花在寺  
之東廂

《續行善集卷九

四

天月長老  
退院居此人賞餘春欲去難招飲絕憐書閣近論文同翦蠟燈  
看張孝廉文顛風門外顛逾甚連日  
大風咀味茶甘達夜闌

四月六日呂氏宅看藤花同得六字

看花貴得朋嫌擾亦嫌獨偶茲三五俱不忝酒人目發興在景  
先終藉景陶淑街南呂氏宅藤本環竹屋小別遂三年歲箭馳  
急轂欵門踏苾徑氣味先馥郁老根蟠厚地作數十迴復絢極  
造平淡幹鮮紫苞簇旁枝無屈勢直上爲直木花色稍張王傾  
吐弗含蓄遂令素襟裳粲若在霞谷晚風吹歸車壺榼近書簾  
說詩月斜斜語怪燈條條頗聞昨年春花事尤可錄主人矜盛  
槩延客撼絲竹搗來翁老病花亦類羶蹙孤孫抱書卷靜向花  
底讀人情今慕昔物理盈兆縮吾儕願匪奢少得也爲福惟頌  
學士筆繪寫屏六六籀石宮詹擬  
作藤花圖

和望山相國德壽寺看牡丹元韻四首

旖檀林種鼠姑饒上客開軒倚翠寮  
瑟瑟綺紈疑傍李  
用唐李進賢賞

牡丹 熒熒丰態似歌姚  
酒懷觸祇緣心醉詩思來非藉  
手招才

氣如公果無敵玉珠稠疊滿吟瓢

花光四照渾無定靜對惟應佛力勝  
富貴儘教呈好相清涼聊

與說真乘須知繞砌尋芳客曾是  
敲鐘掃地僧老去未容高興

減洛陽聲價品猶能

爭傳上相賞花游花亦如人放出  
頭雅有篇章寓懷抱每從端

重見風流烘增日正松交影弄袖  
風微麥稟秋隨地覓綠歡喜

現古賢何事輒工愁

廣平鐵石具心腸未礙行吟縱酒  
狂夏課清嚴陪列邸春游迢

遞及諸方銜盃細雨侵莎逕下  
筆澄波繞石房也自看花証圖

德壽集卷九

五

畫可能殊地不殊香  
近與錢籜石宮詹輩法顯寺賞牡丹宮詹繪圖徵詩

得雨後邀籜石宮詹榕巢太守  
紉蘭司直筒河仲思兩太

史看芍藥同用雨字

客來掀眉手拍拊今者快晴昨喜  
雨天心默契

宸衷慈倒瀉洪波潤乾土  
時聞黑龍潭禱雨立應 豈惟麥秀田父欣得氣

花房艷爭吐吾儕官冷罕知識休  
假惟應覓歡聚婪尾街頭聽

賣聲急趨古肆搜瓶甌  
甌骨董肆中 匪曰連畦接檻多數十高叢

粲可數白花開遲品斯貴已見舒  
苞垂雪乳折枝疎密任天然

不用揚州鐵絲縷  
揚人挿芍藥以鐵絲縛之 酒醴芬馨乞自鄰  
榕巢丈饋猶酒卽以侑坐

省闈故實推余主腰間帶重久相  
忘眼底玉清差足取無花樽

底故不空更直花時非小補點燈  
促坐勿言歸看月團團照廊

廡



五月九日作

花盡酒人稀林亭暗綠葉蝶翻成夢少燕笑引雛歸小飢牀堪  
倚閑吟樹可依漸能除外事獨坐學忘機

獐酒歌

今夕慚暴殄獐酒傾長瓶致此自萬里藏弄逾十齡巖巒迴合  
溪瀨激陸煩車輻水艦舫乃供吾輩暫醉何福享此甘而馨  
花苗銅釵扣銅鼓椰杯羅列兼羶腥踞堂舞杵祀木客嚮環  
拜揚旂旂覬神來斯飲斯酒徐乃飲福連朝暝歲時歡喜相餽  
遺豈有祇肅如尊經丈人昔作南荒守蠻族欣欣迎馬首緇巾  
裏髮戴盆甌云是峒溪自製酒却之則猜疑受之均悅服一甕  
還如一大錢馭夷有道非云黠乃資金連鑑乃錫帛純束犬不  
驚喧兒不哭爭勸使君試醞醪三年治成雙鬢禿博得牀頭酒

鮑雲龍卷九

六

盈斛載向春明充我腹我腹摩挲慮負茲徒揮惡札吟小詩第  
從口吻別風味似異黃藤翠藤製沾唇肥膩沁齒酸將無採鍊  
百花調露氣丈人搖手曰非然是乃石湖桂海志所編厥名老  
酒麥麴煎澗用綠澗紅沙泉膏之有法造有日雖曰異品無異  
術以彼膠弓淬弩劣心性含醇也解和天質惜哉難繼不敢請  
埋頭待學虹吸井澹安居藏良醞知最多倘論品第椽巢所貯  
應甲科詰朝淮釀招余賞怕引鄉愁喚奈何

時丈人儲淮陰臘黃酒復訂飲期

送儲梅夫宗丞南歸

歸期訂秋中奚乃及夏盛火雲鬱輪囷涼露未娟靚從知展墓  
心猝起未容平趨

朝且卅年恭謹閱晨暝鬢影卽星星宦高亦云稱喬煌五車旁  
數點天潢瑩木深茂枝葉教肅壹情性留含卷軸光斯與躡宿

映公乎膺選避位次大宗正匪文匪言職古篆冰華凝今茲譜  
瑤籍珠貫玉連巨末屬逮小侯清詩美公姓方從編纂繁遽以  
假歸請問公果何心曰老且孱病舊家陽羨問田宅眇何賸來  
茲用文售歸去以貧勝國山一宵雨山子鳴若磬穿花拄笏杖  
裏飯拂荷甌烏帽坐蜻蛉招招指豈棲銜樽溯交契淮浦共燈  
檠公已遂初衣余猶驅鴛乘蠹塘鶴髮翁方應嶽井聘歲闌舉  
敬炙談笑嚼主孟看社趁春忙居孟起鄉敬多年烟水夢見獵  
祗心競爲言極相思公可代余證何時西沈西維艇索孤咏

題倪閣學迂江藏尊人穉疇給諫所畫七芳圖

曰蓮曰水仙梅竹山蘭潤松籬下菊名父繪事乞佳兒敬以七  
芳名卷軸卅年妙手競題識我初未親耳先熟畫之先後各有  
序志喜徐徐用箴勗黃門風節爲世重嘉樹無忘香草日當時  
本不以畫名卽以畫論高絕俗楊枝翹榦霜露晨改時易地完  
其真種雖區別品則一此外卑之無足論水墨氣與詩書親想  
見下筆凝淵神美哉繼羨揚芳塵月卿邇日爲清臣

題貞烈王二姑傳後

平陵之隈爰有貞石不辭不苦露洗寒碧解其石伊何烈女是  
襄生魄死骨籜雲爭高二解嬋媛十三許吳氏子旣許之生亦許

之死三解天憎弗弔曾不二年幣馬未迨厥以凶聞四解謂言秘斯

口或漏卮所徃弗聽乃黥而癡五解餌金餌鉛婢子毋讐汝或漏

言汝爲蠶妾六解調言旁訊卒獲死所成我堅金寶哉尺組七解生

不識夫九原孔覲匪情之糜意氣之激八解投金古瀨死殉路人

越二千載邁其芳英九解叔會稽守搏膺歎獻太史作傳謂解

前輩以述二姑解



送李蘭臺南歸

主客何因共黠然

時讀潤齋世兄贈別詩兼聞望山師相惜別殷至

輕裘將母去江天

傳來急語歸難緩釀就新秋別最先欵曲挑燈成舊事平安問

竹又今年異時槐目黃于錦穩着官衢白玉鞭

喜霽

漸收雌蜺卷雄風仰視圓穹翠若空分得新涼在高竹滴殘餘  
點引疏桐晚來難免盃持手醉後聊看月挂弓書帙暫拋增睡  
思陶陶化蝶任西東

送阮紫坪之任德清二首

多年規左發膏肓青褐徐更墨綬光地隸吳興稱繁望山分越  
絕展陂塘蕭閒境擬陶彭澤純粹襟如顧建康聞道士風工織  
組願教大布滿流黃

勉行臺集卷九

八

形役吾生未有涯寧煩望雜想京華蟲悽晚景抱霜葉魚樂春  
波玩水花溪上探奇龜左顧樓頭寄遠雁西斜阿兄浙泗應攜  
手細雨推蓬話別家

贈庭前榆樹二首

種來應百載根似石難移空腹人堪隱羸形烏不窺春添幾  
葉月爲寫餘姿連夕風顛甚先披最老枝  
摧折仍盤踞渾如囑強人所輕在皮骨難朽是精神小樹行爭  
長繁霜又點身臞僧示禪病坐闕去來塵

雨後漫成二首

雞鳴風雨逼深更燈燄搖搖枕簟清久罷逢迎懷故友成何事  
業愧浮生裹糧五岳非無計砥筆三經漸有營枯菴不煩遙測  
揣嘗來世味一漚輕

雪莖雙鬢久相侵竹馬騎時豈料今製服不供當世好讀書難  
契古人心雲辭岫有歸山意蟲感秋爲刻骨吟落落此懷誰共  
語茗爐殘汁且孤斟

### 七夕日舉真率會分得時字

立秋前七日遂已屆星期風急作涼早蟬稀占閨遲滌樽謀古  
權樹彩綠蕤蕤抱拙不願巧相對煩襟披深慚涓滴飲嚴若戒  
律持時余以病止酒客未酌先醉仲思太史後至已先醉矣舉盞仍觴之延陵適儻  
直書亂不可治杉亭前輩著典籍方理迢遙一城限漏箭鳴花  
枝復論戒駭者將指汗水涓缺一慮不可加少夫何爲時仲思將往大梁

悠悠我之懷百結爲琴絲庶幾咏唐風行樂毋愆期

### 題紀曉嵐侍讀雙樹軒

眈眈雙樹軒昔賢所營治歲久剩隻影守故名弗移楮穀詎有

別聊當辨雄雌荆凡孰存云得一二可知嘉樹亦擇人將子來  
庭篔簹潤稱書富境閒搜句奇軟紅日袞袞兀坐心弗馳浮生  
擬刻楮似子真餐芝昨者過門傍大木爲風隳停車急問訊軒  
樹是耶非答云幸無恙顏解心融怡從知神物護當亦如子詩  
秋風漸有信點滴聞標枝疏蟬庇餘響涼蟲絡其絲何可不圖  
飲賞此招毋遲

### 次韻和吳興徐孝廉秋海棠二首

卑叢繞砌學啼妝滯雨戎戎幸未傷夢去韶春濃似酒照來初  
月澹於霜幽居好慰清明眼淺態能迴木石腸品第未須誇綠  
裏掃眉都向合歡堂

絕艷前因改靜娟碎苔拳石共儵然知書婉約宜呼婢舉袂輕  
盈儼欲仙已闌三秋能獨守豈緣多麗荷深憐冰華未結霜華



皎綏綏當窗試晚妍

閨七夕游法源寺作

節好不關僧興新偶尋寺蕭蕭葉攬衣客子軫寒意鐘魚叩晚  
時疎響薄雲氣豈煩瓜果設與證虛無義人間溯天上佳話喜  
稜次佛固泯悲忻仙寧好離異景澄露初白白豆花妍媚積雨  
三日晴胸懷與俱霽瓦盆菊蕊繁潛蓄探訪計後此益清涼知  
弗阻遊騎獨往仍獨歸杉陰月痕細

聲聲慢

閨七夕和卷  
巢太字韵

瓜筵縷縷榆餠沈沈乞來巧倍他宵別未經時關情夢可  
迢迢辛苦奔龍重馭料靈禽頂禿應饒愁暫寫把鮫紗紅

聚添灑銀橋鏿廿載星期兩閨早秋霜點鬢綉句慵敲辰  
閨七夕今  
十九年矣屋角餘花依然翠滴涼梢晚晴幾多烟景念誰

《簪壽集卷九

十

家團扇先拋泛翠醕儘更闌河轉飲興難銷

閨七月廿七日邀同壺樽宮簪綉蘭司直秋帆庶子竹君

仲思白華編修峯山同年社饒小集得程字

吾儕夙好事謀飲必有名社集尊古風儉樂非奢營閒亭掃風  
葉秋日如水清昨雨朝戒寒蟹螯知可擊銜觴罷讀騷狂論扞  
野情瑣細羅雜花意到景自呈所愧藜藿盤淡泊候鮓饒餌  
設數品春糯調餽餉不異市闌味頗效田父倉歲華又遷移芳  
閨無留行梁燕勤往還辛苦奚所成睠茲慕游賞排日毋紆程

新霽出郭

經時霖潦阻適霽愛郊行馬蹏尋乾地蟬衰咽綏聲雲依孤寺  
歛水入斷墟明野老閑相語疏懷罕世情

八月七日同紉蘭司直筇河太史秋帆庶子峯山同年予

嘉文量兩秀才游西便門外馬氏園亭分得野字

秋中無桂探，鬱懷何用寫。頗聞城西郭，幽靚利持筭。五里訪閑園，十日過秋社。結茅殊草草，妙以水環厦。蘇實列縱橫，花枝罕姚冶。俊氣兩儒生，刺船如刺馬。沿流入深處，圓瀨夾泉瀉。風聲蕩葦間，烟色明柳下。悄然江湖心，鄉景暗縈惹。多時京國塵，此亦賴湔灑。驅車篠徑穿，乞茗松門打。歸途渴甚道旁圓通菴淪茗小坐道人鬢髮蒼，枯坐肖蟬啞。將無墮色相，未可嘉遁捨。如何樂遊人，三兩憂羣雅。孤笑夕陽橫，疏禽散遶野。

挽商寶意太守四首

爭忍忘情罷寫哀，手書昨尚自滇來。千詩為校麻沙本，九地驚埋跌宕才。擘荔甫誇誇侵齒，滇省獨元江產荔支君有詩咏之刈蘭堪喻切身災。鏡湖丹旆歸何日，歷盡頭山惡水隈。

勉行雲詩卷元

土

鶴鷺軍陳走魚書，郡將趨轅縛袴襦。太守謂之郡將見班史懶性豈堪馳

馬上炎威未可避，山隅。元江夏熱尤甚官吏無事屈四月即入山避暑犒師幾訝氛侵

壘，惜別原憂雪點顛。終竟名禪有深契，蓮花瘴裏去仙都。滇南一帶

有蘭花蓮花桂花益感蓮應時而至君卒以六月花瘴也

暇時泊我恒相許，可與論詩剩幾人。隻字推敲紅燭暗，經旬談讌翠醪春。偶逢徵債仍調曲，不諱持籌自脫塵。多少風光三楚地，從茲一一証萍因。

徧向蠻荒擁旆旌，君歷任湖北之施南廣西之太平鎮安慶遠皆苗疆也那知完劫有昆

明。經營陸氏莊，何在編次香山集。幸成乞郡為嫌無米貸，君白

編修特乞外任歸寬應祝有苗平。長歌難寄泉臺曉，愁對君家似舅甥。謂令甥鑑

南農部

中秋日寄舍弟述先



薄宦來京師月夕遠過五湖余始生年四十九秋數

余生于戊戌十月今

年五十初度是歷四十九中秋也

枯苑非一情雙鬢雪絲組遙遙感離別促促

困羈旅安心禦眾留身期晚聚曉霜趁

朝班歸騎日未午飯罷睡慵騰風吼類虓虎昨來氣清明何忍  
微拗怒卽境難預量有若晴變兩家書取裁答苦語動颯縷兄  
弟益加貧回首曾撞杵相慰冀加餐相勉在循矩阿弟有行卷  
體製雜今古讀之清以悽音調近徵羽感我腸鬱紆兀坐神色  
沮要其微至處秀萼生澄浦自然觸妙香欲攬無處所匪余阿  
所私公道不避舉晚來圓鏡懸亭樹息掀舞銀光照四海豈獨  
爲林圃驅愁進一觴于我有深補賞詩遂答詩封札聊寄與

長亭怨慢送吳杉亭前輩南歸

看燕樹盡含霜氣斜日離筵送將歸去暢好江南此間無

○卷九

三

計挽君住二年紅藥闌低護銜樽共賦似舊銀缸怎今夕

難如前度 堪妬邗江應小憩松影蜀岡閑步鉤簾待雪

想吟到梅花深處歎孤身已是沾泥轉羨煞舞風輕絮攢

殘醉疏更牽起鄉愁無數

送辛楣學士南歸

學士吾南鄰夾巷槐陰共該洽夙所師匪特前輩重溝塍阻車  
騎徒步恒過從温温古風味叩輒剖疑壅北衢得筇河討費相  
伯仲燒燈說今古口辯驥脫鞵繫余廁兩大局縮若寒凍雨風  
銷歲月虛已受磨礱云何作歸計潞水霜帆送

帝方譽伯施人競諾獨頌君之在翰林夏屋表隆棟去亦終復  
來此別憐倥傯藥爐養春疾語傷秋夢撫已念庭闈焉能戀  
常俸長編蒙古史同異經折衷當年纂述儒屈指首王宋倉卒

罕稽覈脫漏失彌縫著書貴得閒據實非鑿空江南多秘籍搜  
輯充撰綜此行有攸繫此學如均種十年冀書成廣博闡榛蕪  
流傳資眼福飲飯快甘湏又聞擬浙游龍井看茶貢皮灰舣涉  
湖石像碑尋洞乃知暫收身端爲閒適用馳思冰雪間何地著  
塵閑顧茲勸觴情惻愴心旖動三人影缺一高興減吟詠采藥  
探花行倦聽沙禽哢迢遙白鶴江江淺宜汲甕霞丹雜鴉柏烟  
白沈魚纒到日衣班班懽言陳旨供爾音毋契澗余懷深惚惘  
冥冥望雲間威遲嘆玄鳳

哭張少華

眼中淪落見膺榮五載流光薜墮英小售豈能酬遠志放言每  
怪迂恒情無端淺病投諸藥徹底奇貧過半生苦器脫來檣散  
甚九原休振不平鳴

《碧雲集卷九

三

驚才絕代舊知名海雨江風助性靈點拍柔烟拂蘭樹校書寒  
日下薇廳災生白酒嘗牛肉夢斷青蘆接雁翎深羨孤身存一  
綫扶棺有女十三齡

九月廿六日過姚念慈寓廬

狹巷駛車言尋隱客廬得朋方命酒時與揚對  
官允對飲縱論間繙書  
弱子看遊戲閒堦倦掃除感秋示新句菊影淡相於

題入蜀圖送榕巢太守之任寧遠

筆意貌山山峭拔丹翠離披濕雲潑暮烟一綫棧千盤上有懸  
崖通箭筈蜀道非難亦非易壯志寧教畏塗奪白團扇子繪騎  
驢如何五馬中林秣使君久建鎮邊勳于粵之西歌召茭苗民  
番番拜碑碣家有儲糧人衣褐經時觸瘴病弗摧吟對泉飛山  
態活故人爭訝鬢髮疏



天子親隣齒牙脫卽都所統亦蠻荒赤脛諸猺待鈐括劈來成  
竹無礙節玩到金牛有專割金沙江水自滇來形勢犬牙奏堦  
闈邇者緬夷誕方命大師克若焚枯桺到時羽捷定先馳愴以  
餘威釋鱗撻由來理郡異宰邑敦本奚庸逐顛末女施髻鬢士  
笠撮父老所矜孺所怛雍雍儒事亦可泊未要鞞刀絳巾抹彼  
間詩人例卜築橘柚團團茂松栝成都先問子雲居石室琴臺  
以次達紫姑山前禾穰稠琵琶川間魚潑刺譬諸采蘭握椒蒨  
異觀奇聞歸拾掇刊鐫詩句別苦斑陶淪靈源非祭獺顧惟兩  
年數過從花底連觴叩銅鉢細雪敲簾語徹漏虛堂讀畫燭銷  
跋送行肯效兒女悲終竟離懷鬱難豁誰能跳身入圖畫獨往  
懷伊駛輪轉相思自此喻饑渴絃振繁音難遽撥矧我年來厭  
塵眊嘗盡薑酸桂薑辣行且溪山捫蘿葛君亦一貧難自遏仕  
非夏涼取蕉越江湖何時共洵沫懷哉短艇秋波瀾

勳齋集卷九

古

五十初度自遣四首

五十異篤老亦復非壯年功名鮎上竿歲月箭釋弦攬鏡面皺  
皺鬢鬢半蒼然中夜督擊墮匪爲境遘邇內省實多疚樹立苦  
弗堅古之賢達人豈盡壽命延精神貫千載功業垂簡編詩人  
罕頭腦自托無乃偏近雖注麟經事雜功弗專自外慕紛華內  
徒矢清寒桑榆庶可收積過希能悛日復愼一日持爾動與言  
孟冬下弦後九日陽始萌自十月二十四日至十一月九日屆長至昔余伯祖父  
二伯祖笏山公爰以是日生綺歲成進士年止四十齡有詩編江村水  
部傳官聲余年已過之頭白徒營營前輩王受銘崔立骨崢嶸  
寶意商太守氣腴貌充盈一時兩詩人謬許爲知朋年長實嗣  
物屆日偕持觥五年頻歎逝墨妙儲精靈復有褚王黃褚崔俱年伯少

余前一日王肅阜前輩少余二日黃崔次第居蔽廳三日四中書  
年齒咸齊衡天公亦何意振翩俾小鳴吾師少司空謂武進閩山夫子  
初度亦在丁長我四十日休命揚

玉庭庫厚各有值奚羨軒綬榮江鄉幾循老貫史淹羣經各各  
死牖下無一簪朝纓揣分良已過愧赧業未成唯思理歸棹聽  
雨催犁耕

吾少多疾疾撫視勞慈衷年已十八九珍惜如嬰童食則慮飽  
饑衣爲籌單重前屋達後屋院落咫尺通紅氈裹身回教避寒  
天風弟妹爭鬪笑三日新婦同吾母邁勞疾吾父昏雙瞳膝下  
卽環繞孝養慚未充白沙一杯土淚漬朱草叢年長益多悲五  
十俄已逢視吾父母年修短適得中後此未可知疇敢貪天功  
總昔鞠育恩匪特偏愛鍾謂是善讀書行且昌吾宗寧知不材

勉翁集卷九

五

身臃腫而愚蠢散盡千黃金輸却十畝官無兒歲暮暮有句吟  
非工教誨祇殷勤生我將安庸自恨白擊摘哽咽境膺脣

鷓鴣抱野性所樂在藿蒿置之松檜間戢翼中怛怛浮生冊年  
餘居近淮東郊無山足烟水日日杭輕舸兄弟二三人一室同  
爨庖星散從近歲僅眼水一條相思輒來往伸被連疏窅淮人  
最誠朴文字爲古交族姪競恬熙酒燠花光高誰令遠別去饑  
驅類逋逃春明五載居塵埃盈衣袍年長喻馬齒身賤如牛毛  
尚煩故鄉人致祝來嘉褒往報承頌言薄祿慚久饜轉眼四五  
年抽版偕遊越稻種爲我播繭絲爲我纒飲社倒臘甕扶我煩  
兒曹人生適所願穠穠足自蒙鄉情抱耿耿夜永寒蟲號

蓬心前輩畫秋亭放雀圖祝余生曰走筆報謝

子之知我洵真知祝我俾我卽閑散一把蔓茅蓋白屋畫裏行



寓宜君嬾露繁風高候直秋遙天翠色新磨澣條翔條集兩胎  
禽步者徐徐飛緩緩放向青雲最上頭歸來似戀幽人坦此松  
是我舊圍量此竹曾經細題款雖無故業在江鄉境佳例屬吾  
曹管百年閑數剛過半難遣砮砮削圭瓚飽嘗茶蓼鮮甘馨十  
度疑寒一曝曠鬚多枉肖麥連陂鬢禿真如禾脫稈冷官所泣  
異右職隱計徐商終左袒古人樂志匪鳴高大抵用長工匿短  
子之於畫夙通神當代名流見亦罕酒盞圓隨綺席偏茶爐紅  
趁花枝煖一貧視我誠有加疊咏酌君已無算邇來遇事觸迂  
多適對茲圖意先滿是倪是黃姑勿辨却壑烟霞妙聯斷裝成  
小幅倚虛窗勝列疏屏障華館微身何日置亭中看舞苔陰喚  
栗伴解條釋籠豈關人行奕吾方任迂誕流年長子僅二歲似  
楠連棖畦接曠葺鱸入夢賦歸田子且將然吾豈但歲華收拾  
料無多瀨靜從知勝湍悍過橋拄杖幸相尋墨花香共臨池盃

勉行堂詩集卷二十

古欵 程晉芳 魚門

无胥集

起丁亥十一月  
盡己丑八月

丁亥仲冬僕徐盜郵使金累幾及余賴

聖天子仁恩免議歲闌風雪偶有題咏取訟初九爻辭名集曰

无胥以志小臣感激之忱云

送畢秋帆之任鞏昌

繕性憂患餘送遠冰雪夜疏窻撫凍醪沾吻未能下交游越五  
年襟懷與俱化科名以人重器識王宋亞

帝將試民事俾爾馳遠駕雄風占洮岷符呂用小霸王源澹沮  
御嶽麓猛陵跨西瞻盡驅窄東顧連涇灞羌戎恒雜處威信可  
鋤詐沿邊近屯田瘠土慶耕稼雲生馬隊來日落茶市罷觀察

勉行堂集卷二十

一

樹方面守令所憑藉稽功考群慝如木辨荆柘文人蒞實用密  
緘無纖罅溫溫好風度想見整而暇行諸歲功闌俎豆陳臘蜡  
江鄉將母情得請暫歸假早春及塗松檉杏嬌欲嫁家山如故  
人別易逢迎乍過征隨北雁回首聆南鷓九姓望干旌跪拜垂  
玉靶詩題隨地有似彈求鴉豕三十六峰盤九十九泉瀉山川  
指筆力文字重聲價浮生抵瀾浪懶僻從嘲罵子獨謂可人味  
茄同噉蔗茲行誠壯往寂處依塵樹治經炳燈檠相憶過涼夏  
猿情戀花竹剩欲營五架顯晦或殊塗於義未離舍何時欸雙  
扉容我科頭趺

題阮吾山行卷四首

謂卷循環讀三年爾許詩句奇驚縮舌語妙笑拈髭兄弟近傷  
別田園蕪不治無勞歎行役行役是閒時



各有臨淮宅新換卷土來波心澹烟樹夢到夾城隈合寫移家  
卷難拋寄興杯因君好詩句懷抱轉恢台

小宋才名重

謂小宋

偕行得蔣侯

謂辛仲

霜悽催作客月悄慣聯舟

險韻攢眉押奇踪縱目收長年窺竊笑癡絕見斯儔

阻風休歎悒曾有順帆時世聊隨分文章信足奇人經一番

別鬢長數行絲翦燭看行卷差能起我衰

### 寄懷慶侍郎樹齋三首

隣封昨偶未輸誠彈壓遐荒倚月卿到日已看茶市復坐來眞  
覺雪山清遠謀魏絳能紓國奇策陳湯勿喜兵想像攤書消永  
夜蕭蕭霜角繞營鳴

相公臨別諗嚴詞報

國行旃勿念私燈下撫孫仍說子歲闌馳札重郵詩排成雁字

### 簪雲集卷十

二

霜留影唱到刀環月展眉也識疏襟多慷慨可能南顧免相思  
師門恩重八年餘勢分都忘接佩裾清茗一樽酌絮語繁花幾  
樹叩深居老懷最怕窮秋別遠道難傳盡意書幾輩故交新別  
去雪窗孤抱對誰攄

詒堂南返秋帆  
近任輩昌觀察

### 溫硯齋歌

新安方子所弄溫硯齋晚乃歸之惠山寺楚弓旣得楚人欣越  
客長吟越箋寄寄向春明索和詩久慚鈍澁無才思齋式經營  
自二泉樸質都殊七寶製

唐代有七寶硯  
王仁裕開元遺事

取諸旣濟尙鼎

形方攜縱橫銘以識堅泓成冰利冶鎔離明出火開文字匠心

世上日爭奇金吉因人匪其器先生正派啓東林心若寒泉湛

且深故山乞去不教去離披短草成孤吟

見顧元慶夷  
白齋詩話

此時此

鑪製成否細雪縈窗風怒吼摩拂琳腴呼石友溫之且以慰疎

手大異沈烟篆嶠紐側聞墓道樹豐碑瓊琚佩玉大放辭精魂  
尚恐石磨滅中宵示夢事絕奇顏震滄先生爲余言曩曾夢人  
二泉也墓碑將爲人移盡往止之侵曉往視途遇華深原  
告以故華曰豈有是哉因刺刺語不休比至碑已斷泐矣一名  
所繫念在茲臚兮可有神護持方子曠達人老去計非左也如  
放駱遣楊枝雅具教添妙因果昔遊邗江不示我交臂失之恨  
亦頗書生嗜茶耕者硯竹鑪遺法性海擅兩事能兼數錫山一  
儒一禪相耀絢我今百事寡欣羨剩欲箋疏盲左傳乞靈如觀  
先生面想擗霜毫布長卷買服微言供緝繕若鶻解結通其變  
未塵誤人歲馳箭願得安爐返琴薦灑墨冬齋尊杜撰

十一月二十八日喜雪三十韻

冷節逾三九瑤臺散大千甫嫌冬久霽終覺候無偏昨夕陰霾  
合通宵默禱度雲衣須裝積風力勿羈牽簪靜鈴銷響窗虛粉

簷臺巖卷

三

逗妍急呼童啓戶始靚柳飄綿墮地無聲膩穿庭作勢旋枯林  
閒點綴瘦石細沿緣撒麴俄堆砌鏤鹽可列邊啓珠難出匣投  
玉札連篇世界宜誇富樓臺宛屬仙銀峰排朶朶縞鳳降翩翩  
調燮關名理禎祥測有年徐覘銖寸累漸訝漚池填土豚甘承  
潤冰心慄其堅多多洵益善皎皎欲通禪騰貴長安米奇零薄  
俸錢覩茲饒厚望失喜慕春田蛭蟻摧形影麤麩蔽陌阡汙邪  
申吉語利市逮遙屢撫已躬誠菲同人樂最便遭時徵愷豫爲  
治極昭宣破蔡鳴朝佩唐書貞元中裴度平蔡以  
十一月二十八日入朝宜孫敞  
御筵唐貞觀十七年十一月二十八日誕皇孫奭百僚於宣教  
閣今年

上舉皇曾孫  
璧方呈向趙書已捷馳演時演師已  
克木那再白連初白

堯天是佛天逢人開笑口起舞露華顛縱少尋梅騎猶遲入剡  
船屋深儲柏火爐煖透茶烟擁袖支簾坐披帷枕手眠滌觴謀



小飲欲暮竟陶然

十一月三十日雪

喜雪吟成雪遽晴更遲一日更飛英人心暫歡天能補日紀將窮歲兆盈著樹花多妝轉澹迴風勢重落偏輕者回果見深逾尺千里河山玉削平

臘前三白歌

今年社酒宜多置三白連飛迨殘臘此去春朝五日期天公厚意來重沓及時雪勝及時雨先爲農功布周匝一度飄花一度深田腔喜色連闔闔截肪何曾汚脂澤量珠更不煩升合堦前堆垛覺勢重眼底晶明無物雜高擡簾額看迴旋細壓車鸞沒馳轍短松瘦竹寫濃澹宛肖幽人披白搭從知造化耽繪畫汲骨山川紛調醴誰能狀此冷飛白翠墨淋漓費摹搨六年朔雪

魯齋集卷下

四

斯爲盛得意忘言息噫嗒春梁織布等閒事此是儲糧施衣衲占定戶戶足蓋藏腐朽繪錢歸職納箋天願乞著爲例十年此景應逢卅層累而加千百年悉教露處棲華榻邇聞滇師大克捷阿瓦崇墉定摧拉萬里銀沙颯絳旗遐宣露布傳宵蠟降王面縛走單輅觀我中華玉樓塔自茲甲士化春農穩著烟蓑釋戎韜生逢太平老無用清興猶堪鼓衰颯呼童掃片煮銅鑪淪素磁甌啓茶榼上池漱嚙一襟淨枯腸埽珍三彭嚼雪水能然蟲見本草北風圖更憶江邨泥滑溪橋芒屨踏酸風逆鼻吟小詩也勝束帶趨黃閣遠馳狂想增神王近覓同儕幸簪盃南城馮子初西隣未謂料持凍硯勤呵欲急炊晶飯往招呼夜永拈書交難答

歲晚寫懷三首

五十人前號老翁顏非童壯項先童當杯遠遠思南食繞屋蕭

蕭撼北風餽歲盤登餉黍白烘花窖趁杏桃紅承明久直原非  
望祇愛清霜壓淺蓬

眼昏燈昏手一編旁行注迨獲麟年

時注左傳初  
禍將卒業

麤材敢望扶

經隨晚景猶期獲硯田振袖古香霏蠹紙褰簾殘月隱冰磚斗  
思舊日閒心力拋向詞章亦枉然

漸老年華漸益貧歲闌冗事集流塵謀身不作多金想軫念難  
忘索米人歡喜緣生兄弟夢清涼境隔水雪津連朝奇富如堪

詡買得探春傲早春

時購盆花數種  
探春開景盛

次韻璞菴同年唐花四首

海棠

星星石火蘊閒坊幻出青霞襯綺妝久抱冬心耽寂寞類馳春  
轡引顛狂低垂也似愁輕雨薄媚翻宜玩凜霜六曲屏風雙樺

《總纂卷十

五

燭了無蜂蝶鬧紅香

蘭

淺亞盆磁靜結根同心歲晚待深論生從煖地情蕭澹笑向寒  
齋貌粹溫簾幕有香徵吉夢佩環如水認騷魂三枝兩葉煩誰  
筆與寫西窗雪影昏

梅

清夢閒依古水涯烏皮几上忽橫斜畧煩束縵傳薪力窺見合  
冰鬪月華翠羽一雙渾未集青峽三百偶從賒適來北地矜標  
格倘老江南又足誇

牡丹

錦灰堆裏過殘年意外名花擢艷偏富貴本宜誇早歲清寒聊  
與證初緣免教設色雕欄護恍聽流音羯鼓圓瘦隱山肩病希



逸未應倦賞怯新筵

壺尊宮釐以南果二品見貽走筆報謝二首

橄欖

翠顆青膚入眼明歲闌投餽自宮卿世情祇嗜甘和味此果能  
專癖直名醒酒微功消積困點茶酸况助徐清咀從儀舌瀾翻  
甚却笑揚州安置錫

柑

聞說寒漿敵蔗漿包來猶帶洞庭霜殘枝映手不成綠喜色連  
眉相間黃千本久思隨檣種一絲端欲亂橙香上元燈火匆匆  
到留待分傳仔細嘗

人日同朱笥河馮叙蘭史文暈陶然亭登高分得人字

雲亭宴宰下士與冰雪境許閒儔親吹塵比日驚異二說劫一

碧雲集卷五

六

笑輕波句

人曰爲劫餘見法苑珠林

都盧勿問徑思出四三友涉寒沙津岩

堯亭子倚佛閣冷落不見幡垂銀千林萬樹葉未擇太璞渾渾

完其眞關門聽風述山水

時爲諸公言金焦北固之勝

凭關寄目闕城闔靈

天侈食匪所慕鬪酒局換炊茶新西巖斜日攬盈手小廨疏梅

開待人青鞵第一痕須記自此番番約討春

移居三首

戊子二月移居琉璃廠之火神廟西夾道

擇木孤禽豈易安每緣風勁慮巢寬眼明乍指琉璃界襟淨旁  
瞻薜荔壇室小閨人傳語競巷偏客子出車難深宵始覺南榮  
好處處支窗有月看

風前小酌別花卮已是丁香破粉時知爾依人情不淺慚予入  
骨俗難醫過頭竹記攜巽灌空腹榆經倚檻窺辛苦山僧行脚  
慣撫筇循玩去遲遲

廠東西畔結深廬藏海微身一葉如聽鼓趁衙塵擾擾打鐘吃  
飯步徐徐勢家歇馬評珍玩冷客攤錢問故書倘趁春燈倦游  
歷煑茶燒笋幸過余

申南屏停車圖

日月疾轉載疇能似車停達人窺其微隨地覓駘程行役山氣  
秋楓栢羅紅青遠峰接近巘緯以草木英卽景契心得眼界爲  
澄明舊句入新圖髻乎神太清詩人例赴蜀匪特趨其名且作  
更且游瘦筆揚高聲歸田宜早計松桂毋垂盟異時西子湖濁  
醕期同傾

奇鄭研農

栢田王子昨停車說子河間近寄居織紵勤應同賣屨數錢工  
定慕揚裾地紉一水彌勞望人隔多年未報書古有相思涉千  
里我誠飽繫子何如

鷓鴣集卷三

七

年來宦味一漚輕剩欲環山結桂楹舊業久荒難卜隱高人有  
術善藏名白頭親可安眠食黃口兒方解送迎搔首燈窗緘札  
與峭風微雨識茲情

呂氏宅看藤花同籜石官詹慕堂侍御初蘭司直笥河中  
允沈樓庶常塞山同年作二首

三日爲期待餞春訪花聊與證前塵青蛇滿壁爭騰彩紫霧漫  
天欲單人香喻豆棚彌醅烈話隨茗椀出清新湖山倘遂拏舟  
約此地寧忘挈榼頻

林禽不斷語相催選勝何辭取暇陪高屐短筇吾願足五年三  
度此中來花如人意開無盡日轉庭陰賞未回有約更尋蕭寺  
去竹風多處藉蒼苔



海波寺韓宅雙藤爲竹垞老人書屋遺蹟同厚石初蘭筍  
河稽川晴湖小飲其下晚集嵇州寓齋用竹垞紫藤花  
下醉歌韻

竹垞翁逝六十年海波兩藤歟不槁巷子西偏步舍車珍重尋  
遊非潦草主人望姓昌黎後延客閒庭薜初掃舉頭火燄拂肩  
頰觸鼻香風縈耳腦春光欲去挽仍留想費多金量栲毳當年  
蕙尾刺人深此日蜂衙喧日昃山經海志纂黃圖屋尙如舟樹  
堪抱才人豈藉職官榮照眼繁枝供絕倒浮生雪浪壘相踰茵  
權聊同閱昏早撰述眞成不死方一瓣齊心尊此老罷免猶嗟  
久逗留輕帆不遽歸湖島飛英下萸翠樽盤蜜錦來遮素襟襖  
差宜飲况繼前修往事文人互評藻街南移席指槐陰燈地月  
高談愈好

德齋集卷三

八

秋聲一首寄舍弟述先

秋聲本無心物觸作悲瑣宵分擁衾聽一一如爲我我有同氣  
兄新赴重泉下魂悸讀南書痛甚遭割剝愁城爲爾絲外絡中  
纏裹蕭寥戶外音雨颯颯掀簸不待樹紛披嘈雜無一可何由  
塞知聞無計俾啞昏燈半壁懸苦淚千行墮有弟在淮陰應  
已赴淮左水程三百餘心急掉奔舸入門發奇哀靈旆雪婀娜  
遺孤鬱戒行幼者鬢猶蒼百務待深籌弱力奚以荷緬懷阿兄  
姿鳶肩色騰火烈性慨以慷智術妙鎔冶氣欲吞十牛辨可炙  
雙輅摧折僅中年斯理眇難揣每詢北來人眠食諳亦頗咸云  
兄貌羸懷抱極坎珂沈憂能傷人茲語信非假父母生我儕珍  
惜喻珠顆未見慶充閭先訝隕碩果中流失長年誰與正檣柁  
捨攘身後事自大及叢脞圓者削使方博者鑄使槁旁觀手爲

東何策令怙安生平共事多哀樂相排墜別來六改秋歲月弦  
縱筇醒輒愴單行寐輒夢團坐天平太慘苛猝遣了此禍同懷  
五六人大半成燐炮顧我髮蒼蒼亦豈長年者易占棟方撓有  
木堪支厦唯我與爾躬肩任非苟且一息尙存諸疇敢謝勞瘴  
必戒必洗心毋以玉當瓦鑿水取澄明狀石愛磊礪蘭兮苟刈  
鋤圖畫存幽朶昕夕各勉旃襟袂冀重把

送璞函同年之滇

縛袴從戎跨馬鞍豪情豈免雜辛酸飲逢密友言難擇去適遐  
方歲漸闌草檄中宵踰極險忍饑十口寄長安書勲穩附旂常  
末同調偕行足自寬

謂蘭泉先生

又送蘭泉前輩

宦味嘗來悟鏡花偏令持橐走天涯元戎料敵資奇策

德善堂卷三

九

聖代憐才棄薄瑕縫線慈親教報

國挽鬢嬌女問還家獠人風土閒登記不獨編詩異日誇

送萬黍維上舍南歸

名父留貽善本書單心研誦廿年餘古裝大異描眉樣別袂輕  
揮落葉初冬釀靜偕孱弟飲春田閒課短童鋤國山雲淨巒頭  
擁悔不于中共結廬

招友人看菊

秋來奚止一端悲強理歡情對菊枝高下紅黃疑裊錦淺深屏  
障勝安籬疏櫺月到霜難到佳種開遲謝亦遲頗怪故人稀問  
訊連宵空貯酒盈瓶

次韻和寄查儉堂太守

箋來剛是雪來初爲報萍踪又徙居大郡擁旌成治久蕭齋臥



疾得詩疏千山極目增寒景一夕開顏對遠書君仕未衰吾倦  
矣金閨近擬結精廬

放歌

老夫行年五十百無一能祇捉筆奏牘連行烏作焉官書纂  
義十遺七譏姍譏訶雜然至時復關門引微疾季冬行及仲冬  
畢風緊簷頭吹簷築氈簾布幄下層層宛爾重綿裘蟻蝨詩騷  
子史羅滿架嗜若兒曹慕梨栗審音高下勘唐韻斷義精粗申  
漢律眼底清明翳障除胸中磊砢光怪出自有蕭閒自弗耽日  
日從人甘縛極不求空山餌芝朮不理荒園種柑橘待築書樓  
四五間井深汲用長繩縞朝光熒熒花散苾夜深沈沈燭挑墜  
數甌白粥可扶身三尺烏皮足容膝視死生如經且暮貧賤知  
非難人術生平茹藥同食蜜誰信蓮枯猶有密蹊田正好爲飯  
牛啖植行且潛吞蛭掉首終慚出世遲白髮盈顛不堪櫛吳門  
烟水一千頃何日歸舟月消吾舌蛇尙在喜方濫吾舌猶存語  
毋失窗前雪花灑蒙密起舞長歌用自逸欵枕慵騰上初日

申拂珊前輩補光祿卿詩以賀之

經年怕見策單車坎豈他人祇在余三品幸增新俸秩一生端  
賴古詩書雖殊執簡威棱重已覺調梅氣象舒轉欲向公陳淺  
語單心勤職勿求餘

次韻筍河學士同人陶然亭對雪過余寓齋小飲作

枯林向夕投窮鳥深居祇用書圍繞研誦徐耽理趣生儼陟層  
巖展佳眺亞堦明明憶初雪自卷簾看燈自挑雲衣凍結不輕  
飛玉龍尾大知難掉狂飈疾撼膚粟疹曲几閒憑爐篆裊蒼琅  
遽聞傳急響橐橐履聲來不少爲言同陟孤亭上盡闢軒窗送

清瞭西山忽變作銀海海靜不揚波浩渺眼中奇絕賞糝糊胸  
次瑩然增慧曉我雖未遊與弗淺萬象來歸虛室晶易不招呼  
共駕車九州鎔鐵錯非小唯將少許傲多許殘片簷端仍了了  
笋藥作馨魚炙爛姑爲鶴憇毋鴻矯諸公爾時異訪戴賤子明  
年將過趙江南塞北起長嗟暮景懷人風月悄讀書誰將首頻  
肯評茶孰以手爭遠矧我年來憂患深澆愁懶復持香醪促坐  
差宜夜縱談藉舌瀾翻祛諛緇繩轆韓子幸交籍省難魯人欣  
得湫何當寫作歲寒圖如雪襟期如日敞選游易耳得朋難念  
之彌使心旌擾

寄懷慶潤齋二首

春風披拂蓋牟城晴雨都宜驗政平堤柳又看新葉吐山泉唯  
對長官清想應撫卷投閒坐悔未持觴送遠行碌碌近慚無好  
狀鏡中雙鬢雪添莖

《碧峯集卷三

十一

吾師黃閣密調元暇輒深居杜里門雅有謳吟懷令子新承

恩澤喜諸昆

五兄擢任  
十弟授職

書生作吏增貧况農事與歌播遠村眇

眇心期托蘭茝古人風誼我思存

雪意

毡毳凍雀語相呼遠木叢叢澹欲無四野風聲歸寂靜一天雲  
氣罩糝糊占時野老籠羔袖卜晝騷人炙酒壺景到將然未然  
際物情欣願總難摹

正月五日至八日雪

油窗曉色太分明起揭簾旌見拂縈鬧市收聲歸閭靜虛堂欵  
抱對寒清舞空有勢踪難定琢物無心象自呈比似沐膏吟好  
雨同功異態仰生成



南方雪屆春嫌苦江南農家以春雪爲苦雪北地能令稼作甘花瓣拈來剛  
綴六日車推過已逾三揮鞭驢背抽思緩試手龍公作戲酣淮  
浦斷橋波一曲幾人維艇事幽探

曼韻奉和鏡山掌科病起同人載酒相過之作

僕辭生客戶恒扇鳧足燈緣我輩青病起心情書在手春來風  
物草盈庭雅宜沈酒賓兼至底用坵堉影答形細煮月團澆舌  
本夜談能使倦懷醒

聞治藥餌導關局小惡彌看電眼青載酒雪光侵暖席睹暮花  
氣撲閒庭春回不減風霜信交瘡渾忘爾我形葷食尚稀方恃  
粥且拚客醉王長醒

晴

十日晦方晴東風大有情人懷尋樂意鳥滅怯寒聲沼底雲光

簪鬢集卷七

七

動林端雪點輕差宜把書卷卷幔下廊行

筍河學士椒花吟舫盆花特盛暇日奉訪率成一首

山簪雪白鼠姑紅一領葺裘坐向中清福轉容貧境占飽看差  
許故人同休憑七椀茶消興倘擬千篇句關工見說豪家花列  
幄未妨有限傲無窮

正月二十四日雪

細壓春田豈厭多漸晴彌覺氣溫和餘明著砌休輕掃令節回  
頭已倏過賞處爐烟仍篆紐銷時山影易浮螺待他滑滑泥乾  
後拄杖青原聽鳥歌

春來

春來一月晴三日人近衰年減壯遊新得異書剛慰眼舊栽小  
樹漸過頭關門苦謝匆匆客煮粥貪嘗淺淺甌頗憶江南梅信

早橫溪壓港冷香浮

夜聞歸雁有作

數聲淒切自南來  
遞向簷前落枕隈  
整妮舊行知已失  
荒涼故土慮難迴  
應防處饒弓繳豈戀區區足  
米苔老屋昏燈耿  
無寐攬衣中夜起徘徊

比日寒甚率爾成咏

東皇端不吝陽和  
姑爲元冬續一波  
日漏雲根呈黯澹  
山含雪影失坡陀  
池光欲動冰仍合  
爐炭重然手屢呵  
穩下氈簾掩關坐  
從伊門外雨風多

五十年過二

五十年過二三春  
候適中茗爐隨處處  
花徑步匆匆歸夢入  
遙夜醉吟當晚風  
都無希幸事差擬信天翁

魯齋集卷

七

題畫

烟中柔艣一枝枝  
亂落楊花撲酒旗  
頗憶清淮三月盡  
半晴半雨倚欄時

三月十七日法源寺看海棠二首

時禮闈試事甫畢

險負名花悞却春  
花能含蕊待游人  
酌伊入手三杯釀  
洗我填胸十斛塵  
身外有何關得失  
眼中隨分覩清新  
孤行儕坐皆恬適  
斗覺回頭太苦辛

謝了緋桃趁海棠  
借花聊欲逞清狂  
詼諧也自關名理  
綉爛纔堪證道場  
風雨已曾經小劫  
蝶蜂原不選殊香  
四三日尙能供賞  
取暇仍思命急觴

十八日重過法源寺看海棠作

花未闌珊貴數來  
晚風蕭寺靜無埃  
欄斜徑曲當堦見  
雨掠晴



烘盡意開久坐漸聽禽晚曉遲歸剛與月徘徊繁枝欲拗徵因

果

寺僧懸牌於樹寫因果經戒游人折花

又手巡行復幾回

### 訪寒葭潭故居丁香作

前度人尋舊折枝出簷高格益爭奇攜家徑去真成忍躡履重  
來勿訝遲新露柔風相掩拂疏香妙態自矜持款門例不煩詢  
至幽榭聊須憇片時

### 法源寺看牡丹同徐隣哉前輩作

舊識天紅一徑斜春光知定戀毗耶偶成西笑偕前侶不負東  
風賴此花幾輩游人俯欄檻片時清語却茶瓜慈恩枉說唐年  
盛今事仍須向昔誇

### 得假言歸漫成四首

七載流光指一彈看花走馬興都闌得閒且飲陶公酒有口重  
彈貢叟冠匡坐徐徐理書卷欹眠昔昔夢漁竿浮家泛宅眞長  
策要與汀鷗證歲寒

### 魯叢卷十

### 十四

入袋糊蓀上竹鮎幾回持鏡感霜鬢官書百卷從擔去病牒三  
行有印鈐暢好掠波馳雨權雅宜炙背近冬檐閨人那解投閒  
意晚火疏窗怨語添

面面欄低藥圃紅可知希逸怯春風千毫揮罷情都懶一轡嘗  
來腹已充寡學他年思晚植多尤中夜省微躬箋天有願非難  
副半畝涼花近竹宮

晚景渾如風利船豈煩百丈纜徐牽舌存齒敝良多悟瓦智金  
昏信可憐楓葉冷搖千岫雨梅花香破一溪烟饒他饑凍驅人  
走不廢探山玩水緣

### 送陳復初中翰南歸

觸熱行裝冷性情接天雲水認歸程離杯入手花光暗官味回  
頭雨點輕力學更須持弱體思親無那別難兄橋西選宅吾將  
隱拄杖敲門免送迎

寄懷王孟樓

白藕花間雪鷺群出塵風味想平分眼中建水如珪月袖底焦  
昂琢葉雲湖海氣高難卜隱椒蘭香重勿逢熏開秋鼓楫謀相  
就自譜新歌定許聞

胡荻汀挽詞三首

殘春握手愕然驚病骨支離改故形時出緒言評卷軸了無清  
興對壘瓶灰心久爲貧相迫蹙額潛憂藥少靈一片金臺烟草  
色引人思舊揚新銘

鈴墜鴉鳴古寺昏挑燈雨夕啟禪門

庚午歲同寓法源寺薺甘茶苦原相

鷺翼集卷

五

共雲散風流忍重論烟水歸舟魂欲語星辰纏舍手曾捫君長  
繹之驚才絕代如斯止仰叩蒼靈默不言

科試逢年祇益勞供人煎煉是明膏青編枉喻兼金貴白戰猶  
持寸鐵塵荒塚崢嶸埋紙筆故箱蕭瑟罕巾袍脫膠誰會貧交  
葬下拜吾將爲伯高

題張曉巖前輩空山鼓琴圖

詩人貴領悟了不繫吟諷偶茲託圖畫遂享雲烟供七絃響冷  
洽妙諦相錯綜山靜語禽稀池平落花重此中著想難有觸如  
覺夢五音南土偏斯語豈奇中月華蕩虛簷目寓指時縱行試  
武夷游一曲聆一弄

題任幼植儀部雪屋筌經圖

老屋雪封如裹繭樽櫨窳柶渾不辨呶唔時出讀書聲人與梅



花俱優蹇叩渠所讀何典籍二禮周官曰數卷熟諷巧心徐自  
生沈思妙義深可吮袒鄭非關樹義偏規買能教瀾舌捲昔放  
楊氏今盛蔡撰述專家極繁衍自繪新圖縱復橫時出大篇典  
而顯知從衆經通一經史子集皆供闡闡嚴登高隴呼順風若  
澹巨川達遼歛功之衣被在後世服有緝緣車有幘其人貌古  
學愈古未肯塵埃終踏踐昨者綴科授儀部旋整歸裝問溪編  
上堂起居掃書閣窗竹羅羅覆堦薛擁裘卒業過三冬故紙堆  
中情不淺指僵尙作字蟬聯涕凍猶傳音宛轉空山老衲叩鐘  
魚貝葉勤繙知屣勉吾儕生幸號爲儒往往束書甘劣謫吾子  
眞能自強者一貧相迫以樂遣更施餘技託謳吟清緒旁流冷  
然善我甫欲歸子先去披圖有羨鬚頻撚過江昇自約比隣冒  
雨行畦持鑄錢課耕取暇訂經疑并坐汀南柳絲軟

魯齋卷十

七

題習葦巖燭修書小影

常時造君廬盈几皆官書紛若箔簇蠶多於獺祭魚破窗榻塵  
凝匡坐勤爬梳炎月不揮扇寒天不炙爐客來漫酌接神志猶  
拘拘問子奚自苦一笑自捋鬚三館流輩中疇能似子幼他日  
出此圖撫卷爲軒渠曩吾窺其藩未識子樂且桐堦月露清涼  
幙風卷舒兩鬢澹妝束綵繡揚紈裾焚香立楚楚秉燭來徐徐  
蓮花吐青燄雁足承綠趺餘明有可繼人定開卷初雖曰寄閒  
情未敢卽燕居要之此景光集苑匪集枯帖且揚雙鈞文定成  
連珠哀然覩巨帙功伐錄彼姝昨者過江來大婦新登艫琴絃  
續高唱明鏡懸綺疏茲圖倘瞥見薄怒寧免夫願君益恢張勿  
用長柄驅行看施絳帳女樂環生徒

蓬心爲余作吳門小築圖並系詩四首走筆報謝

吾生大抵爲形役彈指春明七年客衰病侵陵遂欲歸歸時待  
下吳門宅吳門迤西山水好疇昔曾游今頗憶彼間况復盛人  
文奚止寒山一片石卽無人構若思居定有路通遙集屐無田  
亦歸免貪諠有書可讀真奇策邇者相邀作圖畫暇日唯教先  
決擇厨人捉刀理蔬膳奴子掃庭治硯席君來攢眉稱小惡河  
魚腹疾作逾劇半稿未成呼促駕寸厄不盡矧行炙吁嗟一晝  
且艱難况果結廬終托迹茲圖補來二旬泱律體四篇蒙附益  
綴景分明肖石湖涼烟薄霧疏疏織一船一塢皆有思何福能  
承此蕭寂子實吳人羨此行話到鄉園情惻惻年來爲我成卷  
幅慘澹中間尤著力我報以詩亦屢屢大葉粗枝罕雕刻此詩  
此畫告同儕益贈行裝揮數則說經舊約任儀部事佛行偕羅  
右德謂幼植洎廉歸思於今益浩然看取橋竿入雲直

鄭晴波同年索題其先祖職方公影園圖記爲賦一首

士生值亂世生死良細事要其始中終率履貴無媿影園職方  
圖記其所自記遺址吾熟經裔孫况同輩豈惟對圖畫風概久  
默識有明遺末運九域驚鼎沸二寇未殲除四鎮復驕肆騰踔  
高家軍宜薄邗溝次職方舊識高排難施游說全城所托命違  
作一身計奈何謠詠興群小競疑忌歷稽前史蹟覆轍必相繼  
段公猜越石信國逃李帥賢哲且若斯况彼輿臺隸唇舌枉翻  
瀾肝腦倏塗地無何恩命下秩授人已逝使公不遽死閣部亦  
旋至終且與俱亡先驅如有意方其假歸時泉壑駕所稅爲園  
十畝寬擇木千章藝客來角文酒解帶松雲際乃知生平居貴  
以逸養氣養之旣純全毫髮審義利捐軀赴急難輕若脫屣視  
百二十年餘臺沼益荒廢裔孫錄遺筆委曲托名繪池涵花閣



清苔覆板橋翠文傳景周折圖亦與之儷寧知碧血化但覺蒼  
烟霽一樹亦堪思一石亦當拜行將挂帆去圍側蜻蛉繫冷塢  
弔殘梅呼公三爵酌

中興詩公三爵酌

清苔覆板橋翠文傳景周折圖亦與之儷寧知碧血化但覺蒼  
烟霽一樹亦堪思一石亦當拜行將挂帆去圍側蜻蛉繫冷塢  
弔殘梅呼公三爵酌

修行堂詩集卷二十一

古欵 程晉芳 魚門

南船小草 起巳丑九月 盡十一月

都門留別十首

酒闌風細月當天始信今宵是別筵千里清霜游子夢一灣寒水郭門船休論隔歲重攜手難定茲行果結緣落絮飄花知分定且持瓶鉢學安禪

弱息孱妻尚寄茲江鄉去索米來炊貧人作計都成左拙性于時未是宜待訪雲山尋釣侶嘗櫻筍過花時吳烟越水相須甚收拾唯應付小詩

交到群賢信坦真曾無三日阻清塵停車不畏宵行警拒客唯防倦僕瞋試挈芳樽柳去更攜襪被剪燈論 謂伯思 佛宮大有

魯寧集卷五

忘情樹照見將離亦愴神 時于廣渠門之古寺言別

歐血酸辛淚浥衣憫予揚翼惜將歸 謂竹君學士 一條冰雪腸相映

千古文章事共依玉體珍宜加別後金人誠願懷危機冬齋知

定借馮子 謂初蘭比部 細數行踪對落暉

扈從松亭月照營馳書頻勸緩趨程 謂于師印 醉恩無地身將老

覓食子今事不輕公向羈棲謀築室我寧長往待編楹銜厄歎

語非無日祇歎蒼茫作此行

肯學文昌諷退之花天奕陣久追隨 謂仲師露 病餘未絕狂吟侶

謂鏡山給諫 盥罷閑臨聖教碑果痔木癰相類甚納衣經卷授來時

定書粉版過吳子 謂百藥前輩 玩世逢伊著鹿皮

未得休官觀去官憐他厚石病初安青門饑共東陽沈 謂沈樓農部

白髮繁于騎省潘與貸兼金償累急勸澆九醞賞秋殘朋簪只



有春明盛小別匆匆境大難

踪跡年來喻角張卸裝人對打包忙茶烟裊翠三楹隔

謂彩亭前輩

書本研朱百卷藏

謂竹汀前輩

聚似春禽吟日暖行隨秋葉卷風狂

豈惟給諫追難及

謂慕堂給諫

絮語無因對六郎

謂姬傳儀部

纔試閒曹便欲休鸞川臨別益工愁雲間派許題長紙

謂白華昆季滄

農部穆堂甘井隣邀共夜舟

午樓與習菴同寓頃借余南返苦調淒淒難入耳征人

去去屢回頭長波日夜東南下也有旋潮赴北流

渡口他時折嶺梅九門風雪驛初來何人寫傷焚香坐

謂竹虛侍讀

若個停琴選竹栽

謂籀石惺齋諸公

鐵嶺戍隨涼雁至金沙騎逐暖雲

回者番藏海廬招集五字聯吟倒百杯

舟發潞河漫成同雲椒午樓作

舵長鄉音久不聞登艫觸聽已微欣未遑十口謀歸隱且喜三

二

二

人話夜分設色漸多黃葉岸無心又對白鷗群閒程那計舟行緩從遣淤沙閣水紋

贈香河明府徐圖南四兄

作吏信非易看君髭髮斑高城新版築流戶益歸還東帶趨大

府把書成小閒隣封去平獻往往闌榛菅

習俗知難革高才果累人堅持冰雪操靜對雨風晨種秫猶虛

計看山得此身談餘徵喜色孫竹長初筠

忽忽辭家去西風作暮寒勞君解清俸爲我設珍饗各有艱辛

境深知去住難臨歧一揮手碧月照澄滄

舟次言懷

也算還家也別家秋帆影逐雁繩斜鄉園椽舍竟何託京國宦情良有涯且欲銜卮對松菊漸欣登饌足魚鰕萍因絮果休援

證隨地逢迎卽鏡花

觀漁人撒網漫成三絕句

縷縷殘霞隱暮山打魚人在白蘋灣何曾減却江南景燈寒  
星出葦間

船頭蹲坐網頻張高樹團團夕照黃省識世間無止境占來閒  
地也須忙

寒水魚潛不上波網維施設待如何旁觀束手休相笑空網從  
來撒最多

阻風

纔掛帆行旋泊舟茫茫古水引新愁沙禽急起投溪尾岸葉爭  
飛打客頭此味當年曾習慣生涯何地不淹留掩窗拚作提衾  
卧到曉顛聲也合休

鷓鴣集卷三

三

津門鼓櫂行

春光如醉秋如醒客子逢秋心目炯日彩澄鮮月魄圓照人襟  
袂逾晶瑩匡居已自足歡喜况掠晴波搖短艇不緣行役詎游  
覽綠阪青巘判高迥岸容曲曲屢迴腰柳影垂垂未髡頂通滌  
亭邊昨解維河淺沙淤船數灣以篙群拽類簇箭用力獨扛如  
舉鼎不嫌賤子蹇羈身深憫舟人寒沒脛無何怪雨又翻盆掀  
簸狂風疑震霆艱難幾日達津門倏爾大波開浩溼天清景明  
氣平善盡得欣娛忘恚悻此地由來一都會血肉中間成紫肯  
直沽丁沽帶圍繞西山篋山笏摺筵估舶漁帆遠近來淵魚雲  
鳥飛潛並仕女梳鬟鬢偏遊人盛服裳衣裝琵琶響急阮箏  
緩碧檻紅樓邀酌從教塗飾足粉繡我已安心守麻糝胸中  
自具瀛渤寬不用登艫窺溟滓乘風從此溯江南故家兄弟遙



相訂同舟况喜得兩賢如玉之溫金澤洗推蓬眺遠輒肩齊停  
筆敲詩頻首肯較論身世升沈事評泊文章甲乙等爾我居然  
接鳧侶鄉國多應荒鹿町且持霜螯買滄酒莫挑燈蟲淪吳茗  
平生此聚亦因緣異日遐追思歎磬沙鷗豈解客狂吟飛入叢  
葭破煙暝

對月次午樓韻

蟾彩明明桂影涼照他河水不漸裳幾家靜閉惟依樹獨鳥頻  
呼似怯霜始覺羈人無暖景又攬清夢去寒塘舟中第一回圓  
月曉起尋思未杳茫

黃葉

倦眼明虛驛秋林幾樹黃清惟鑿澄水澹不受斜陽已濯三秋  
雨曾霑九夜霜苦心成老態高契得禪裝莫漫驚搖落猶堪傲

鷓鴣囊登

四

景光西風入策馬寒月烏棲塘淺淺無深色疏疏少密行酒悲  
生掩冉詩思引微茫便欲交藤杖從茲訪荻莊年華紛似掃吾  
道寂堪傷蟲語香燈暗琴捶石磴涼蕭然鎖相對飛葉攬裾裳

燭花

體結誠因熱頭繁祇自然簇趺紅玉輦翹朶絳繒圓帶弱仍拈  
蠟臺重忽湧蓮多多含蕊暝暝護心田朗極翻微暗中分或  
近偏幾曾和露種聊可緩蘭煎勢重防先墜光收取薄妍非香  
還選豔是色也通禪但惜灰成錦何知淚滴泉獨挑情未忍雙  
照影彌憐几曲屏低掩宵清漏疊傳酒頻催盞底風不到簾前  
吐寸能爭月交枝欲化烟話深渾忘翦詩急免教鑄緬邈長征  
客冥濛小雨天有何欣喜事窗眼弄蟬聯

聞鐘

到耳生微聽鐘聲出遠林似隨流水影能引入山心響寂頗疑  
續旨深如可尋月寒烟盡處應向此中沈

詠鴨

淺泛恒依岸群喧不避人行藏與萍近氣味得鷗親頂綠能欺  
草跌紅愛拍澗都忘爭鬪意未羨畫欄春

寒蝶

已到飄零候寧憂生理微繞荒園畔去近衰草叢飛嗅菊逢霜  
緊棲蘭得露稀夢清渾欲化舞歇竟何歸烘日粉全褪翾風影  
不肥擬憑團扇畫團扇事先非

題雲椒蘭韻堂集五絕句

裁翦冰花琢玉痕慣摹清景唱高言韓吳體格居然見細膩風  
光骨幹存

卷五

五

著色不多真諦在耐人咀味儘尋看香狂香重都無取吐屬幽  
微直是蘭

到處句留逸興乘筇輟櫻帽一枝藤東南勝境歸行卷半屬錢  
塘半秣陵

兩載秋窗鏡掩塵幾曾傾視及他人偶然寄得閒情在秀色西  
番咏洛神近集有題西番美  
人及洛神圖詩

卿雲糾縷

殿庭隅賡和年來叶典謨須識玉堂推作手轉緣胸次貯江湖

題午樓蟬雪山房詩集次陳句山前輩韻二首

倚窗新句見量裁更索全編讀幾回振撥秋心無近語卷舒錦  
段歎斯才玉溪以後嗣音小金馬諸賢拱手推紅樹吟蟬山雪  
霽就中清景妙能該



裴公宅子陸公莊不藉家聲自樹強錦瑟如人他日感烏裘衝  
兩十年忙清詩有味抄名紙賤子無端觸冷腸較爾春秋逾半  
倍飽曾領畧此風光

燒香曲用玉溪韻

倉琅掩夜雙懸魚花惆悵涼飄粉鬢髮文橫几鵲尾爐畫屏倒  
影垂青葉錦囊圻封碎檀炷睡蝶驚飛燕呼母摺繡勻紗護絳  
窗只許濃烟向中吐珠斗迷離桂影昏寶書細字銷愁悶丁東  
墜漏憂瑤瑟曼曼翠綫通吟魂蒼龍涎白化雲氣繆繞皆傳不  
平意綃帷夢去暖氤氳鸚鵡調簧說香事論石量燒勿限度架  
上紅薇少新露

梨

壓擔秋梨白油坊小市清刀輕冰片剗手重雪團擊渴肺寒漿

饗叢卷五

六

潤疏牙爽氣生精麤辨灑易肌理最分明

柿

磊磊繫驢背是能充晚饗鞭搖越日影口嚼爛霞茸品或在  
中下味仍兼澹濃轉頭看餘葉火傘尙重重

憶菊

禁霜露風雨烟月蜂蝶  
蟹酒黃昏籬徑等字

蘭若多培菊京華舊擅茲官卑趁閑事意得選清枝磊砢花頭  
重紛披葉脚垂輕紅卷綃紵大玉捧盤匝種每標洋异名偏關  
蜀奇移從古松舍擔自小沙彌摺疊屏雙掩分張壘四維淺深  
搖壁影高下亂燈絲邇日剛逢候佳晨悉付誰短轅停小巷瘦  
策拄苔墀何處尤誇勝相邀試共追當叢繞迴匝惜價立羈縻  
自歎懸帆去行經野水涯空空難入手脈脈祇勞思近事三秋  
誤前期一載遲江南豈無此到已過芳時

廢園有感二首

雨裏顏垣損荔衣朱門盡日鎖烟霏梁空燕掠全家去花少蜂  
尋別徑飛荒店夢知酣與醒太清游果是耶非當時選舞徵歌  
急早有旁觀諷式微

竹館蘭軒賤異書往來評權盡歐虞塞垣回首停霜雪詩句從  
人入畫圖曾訝王陽富車馬敢輕郭解肖侏儒私情公罪難相  
掩清淚無端到綠蕪

崔鄭門楣水樣清百年小劫示虧盈韓重花已操長算戴九江  
仍損政聲好事玉山饒勝賞誇人金谷太知名達生倘悟蒙莊  
理游屐何煩繼尙平

秋懷十一首用昌黎韻

孤蘭生何庸不敵黍稷巖巖霜隕草木憔悴與俱已如何空谷

魯黨集卷三

七

操偏感幽人耳良由抱至潔有觸必興起置之繁艷中澹泊了  
無似士生握奇珍泛跡罕依恃冥心尊古賢歛足就中軌自好  
誠足多奚必爲世喜

衰顏不再映古鏡灼新悴愧非松柏姿挺立最寒地搜吟適自  
斲薄游取微恣老氏守雌黑公孫辨同異學勿師專家葆已信  
爲貴

秋容太晶煖秋氣少柔曼風搖沙浦燈月照夜船飯言從解組  
歸靜愜疏放願由來當境決不待妻孥勸人生無百年結念浩  
盈萬犧防文錦披禽拔翠羽獻椿菌各天游造物無恩怨

鷺鳥擊淺草氣勢含冰凌蟋蟀亦謀居戀暖惟癡蠅因時感所  
歷得失明愛憎霜威所磨憂是物皆有稜潛蝶不黏竿潛魚不  
投罾了了乘化機以遯爲多能



鐘定人罷行露零蟲有警擁衾意熒熒聽漏宵永永暗水得窗  
明敗葉挾風猛羈情非一緒徐引如綫綆安居彼何人自不知  
厚幸白板兩漁扉心跡幾時扉

衰齡始舉男弱可慰遲景夜啼聞聲呱曉視憐目問如何兩月  
餘翁去成泛梗丈夫多遠懷負劍非浪聘他時候門迎問事挽  
鬚請

盈縮契元功至明費用暗必逢嚴肅候生物始無憾幽幽古蟾  
魄下傍虛室瞰萬象爭餘妍約之以虛澹萌芽蓄寒序春及始  
觴盪奈何土棲棲舍久計其誓要當如虛舟縱去不施纜有琴  
供撥彈有書待點勘饑寒細事耳豈復慮儲飭

帆葉入秋聲舉何軒軒兩堤駛如馬雪浪隨之奔缺月耿餘  
照舟人多夜言行篋有故書拂几陳我前寧知是水宿且復耽  
霞餐詞章雖小事曩昔曾親編浩蕩六經旨一語該數千甘和  
識正味不復貪鹹酸願得日研討箋疏隨食眠娛已亦云足豈  
以傳他年

秋盡潦雨收后土皆曠乾明星耀宵宇彗落垂珠玕夜久氣森  
森露白不成團孤懷多默感轉側眠未安推蓬視川野靜波躍  
微瀾生涯隨日月跳躑如彈丸不遣霜壓舟則爲塵沒鞍

淒淒秋土居搖筆成秋聲窗草謝衆綠夜燈含小民心孤抱百  
憂境寂懷一誠淺觸輒深契寸積俄尺盈選樂無近方衝愁出  
奇兵唯應謀酌跛脚當南榮桂熏椒檄棧自促非人令

南濱行漸及書問弟安好七年風雨期握手苦不早骨肉予與  
汝晚歲各自保冬齋一笑春花蕊紅不槁人生聚實難貧賤安  
足道

奇懷趙緘齋比部

風雨誠知出郭難，又傳避酒去淮干。掃庭自愛榕陰直，入世休驚絮影殘。舊夢燕雲含凍雪，新愁衛水弄秋瀾。故應早學紅箋寄，搖艇匆匆惜未看。

聽雨

今夜江湖夢始成，瀟瀟雨雜小波聲。徐敲枕畔生寒思，細滴篷根有故情人。與沙禽俱冷澹，風搖濕燭欠分明。更添葭荻稀疏響，便是三吳兩越行。

梳燈和雲椒韻

高引絙繩附巨竿，舟行傍夕一燈安。明光落樹不成映，暖影入波終自寒。浙浙最防微雨灑，星星又逐曉風殘。憐他曳纜人辛苦，頻向沙堤掉首看。

浪花

魯齋集卷三

九

欹枕看奔浪，紛如花怒開。雕鏤銀幾葉，排塚雪千堆。側犯紋方疊，中衝艷更哀。舟輕梭一擲，篙急翦雙裁。顛舞隨芳絮，盤旋學冷梅。爭明露蘭臉，亂泣粉蓮腮。水種元無骨，雲姿不受埃。逆風呈的皪，因雨妙灑洄。草草寧分瓣，浮浮未託萼。吹噓到瑤蕊，包孕得珠胎。湧屋金神護，爲山玉貌頽。高從低處落，前被後來推。繁朶愁兼集，狂枝恨並栽。奈他寒簇簇，做就白皚皚。灑定繁虛檻，飛難入淺杯。鷗嬉留影乍，月漾透痕纔。稍見平於掌，深知幻是媒。古今何限事，勞爾暗相催。

十月三日舟泊武城紀事

忽聞收纜語，誼誼已曳南船墮。急洪滅頂幾人無，可拯切膚往事畧相同。丁丑歲予覆舟於廣陵之九龍橋，有詩三首記其事。頓教閣筆忘孤咏，奚忍持



冰禦冷風繫艇荒堤經日住雪花何限打烟篷

檢舊作覆船詩再題一首

舊事尋思又此奇星周躔舍路分歧前因有定終無謂野哭頻  
聞祇益悲三日好風行十里一川寒色偃雙陂自武城之西移舟近城以待詔  
決從知蹭蹬關天意準勅唯教補惡詩

舟發武城漫述二首

水濱祇合移風檝崑玉何堪負鵲償盜指不疑誠影響讒加會  
子太荒唐身依磨蝎頻遭謫星家以月爲身主牙可穿墉未易量留僕  
寒郊須訟息霜天晚景最蒼涼

行路難曾喻上天江湖風味轉茫然每懷覺岸期投筏又向中  
流看失船文致語爲蠅翼附更番辯脫璽絲纏何當老屋三間  
住長謝高檣短轂緣

蠶叢卷七

十

咏舟中花卉畫屏八首

三兩圻寒塢好風時一吹轉頭覓香氣不覺度橋遲梅

紫衣素爲緣含毫吐綿邈但解琢妍何曾掃眉學辛夷

影落鵝溪絹嫣然笑靨開分明簫笛舫載得小紅回桃

三十六體詩妍麗尙花格記向法源游與說禪一則海棠

恒持澹泊心爲閱繁華過穩重看屏中露寒清夢破牡丹

百枝爲一枝細路簇圓錦應悔拋青春面目作冰冷繡毬

收水種仙蒲別有艷於火中庭綠意深賴此相印可石榴

誰此凭闌干瞥見嬌欲語淡寫一枝紅含顰奈多雨荷

晚霞

日脚微茫隱下春幻成霞氣散重重溪光乍展練明淨樹影忽  
如金鑄鎔瓊玉有痕傳昇彩舊花隨意吐新茸清能涵碧宜占

霽澹不成紅欲作冬冉冉舞裾憐倚旄旣軒軒仙帔孰裁縫輕依  
野艇疑皴畫平學流雲未起峯銀瀑千條剛界斷蒼巖幾轉又  
相逢尾披竟作雙魚貫路細頻看一鳥衝漸共涼烟收宿靄霽  
分暖色映衰容達夫心事如堪寄指點遙空倚翠筇

聞歌

響細調難圓徐聽枕手眠有風來水際流怨到燈前各抱纏綿  
思煩伊一口傳

沈石田楓落吳江冷圖

沙平石淨秋娟娟風凋葉紅波悄然清雲垂空雁拍水野色做  
冥鴉翻烟畫家自具詩家骨句裏描摹鬢髮阿誰且飲且牽  
船渡口漁燈大於月

第二回圓月

響簫卷五

十一

第二回圓月無慘倚檻看水程纔及半霜色懷生寒牖密穿仍  
透宵長落最難舟人閒計語晦日達淮安

水禽四絕句

雪頂飄蕭立水隈漁兄漁弟久無猜白荷花外秋雲濕瘦影何  
從辨去來

泛時汀草連雲秀棲處堤沙簇錦鮮水閣有人相對嬾平分暝  
色掃花眠

軀餘誠微態最穠遊人悄悄下池東驀然飛入竹深處襯託桃  
花無限紅

曬翅魚梁只片時又看連隊去長陂自圖一飽非難事忍餓依  
人大是奇

聽雨疊前韻



昨夜清蟾吐不成五更雨作打蓬聲涼濕似共長川響織細能  
添小睡情艇子徐牽剛欲泊窗棂逼曉轉難明未妨冷意頻催  
雪壓絮飄花送客行

魯連臺

敗姬爲火兆嬴秦六姓紛拏蟻附塵一笑星光迴帝座尺書兩  
泣隕燕臣肯如黃鶴矜長背自跨朱魚涉遠津片石荒臺表東  
海泱泱風氣見斯人

寒色次雲椒韻

天涯倦旅過殘秋寒色蒼茫引薄愁平岫乍凋眉葉秀滄川漸  
異眼波流烟沈不見稀疏樹霧淺能迷缺巖洲西崦日華殊慘  
澹北軒風力太矜適晴非弄暝光偏暗清到無痕畫怎收使我  
恹惶恒聳膊何人悵怯登樓雅宜鏗戶呼名酒誰遣趁程叟

魯壽養卷五

七

短裘歛盡雲容開大野釀成霜氣壓虛舟恢張蕭景交元律領  
畧酸情歎白頭江上梅花諳冷信應含小朶對輕鷗

午樓煎龍井茶共試漫成二絕句

索茗聊須助快談故人閒箬檢清函七年布幔收天水何似來  
嘗北汶甘

此品今爲第二茶未經小雨滴泉花開春準赴西湖約堅坐溪  
頭看揀芽

喜晴疊聽雨韻

比日沈陰雨未成曉聞乾鵲喚晴聲碧波打槩淩虛景紅縷穿  
窗得暖情緩曳裘當蓬底坐細抄書益眼邊明順帆輕駛南鄉  
近鱗次何憂闌阻行

太白樓

在齊寧城南隅

當年賀季此交親，落日崇樓氣尚新。三面下臨千派水，一時超絕兩狂人大都。玩世唯憑酒，未有稱詩不出塵。雲樹相輝對江表，翠螺黃鶴總嶙峋。

王仲宣墓

弱體爲文力尚堪，齊東墓樹冷光含。人生難得藏書讀，世味曾同覆局諳。誄出陳思深惻愴，碑如德祖默尋探。依曹事業業輸荀，許獨步何妨老漢南。

木瓜分得佳韻

也附匏瓜宿鴟兒，色嫩佳磁盤。宜小貯筒布，與頻揩引睡得甜。味咏詩增古懷，山礬相映帶雅致。是冬齋

臺莊水淺同人各易小舟南下賦別四首

三里郵亭達古徐，題襟未了遽分裾。涸河那許高帆渡，專席差

鷓鴣集卷五

三

宜小牒居遵陸幾，時同白雁胠沙前。夕類儻魚艱難淹滯頻，相累感激諸君尚戀余。

聽雨聽風驛漏遲，幾開口笑幾攢眉。豈能從此鍵雙戶，長是相

思過六時春。及旋催雲外騎，雲椒將於正月北上花明閒葺柳邊茨。謂午樓

迹征不用逢人說，舉示新編唱和詩。

冥目搜吟袖手敲，併將新境付長鈔。酒殫食繼逢需義，水絡山連得蹇爻。剩一錢看唯旅橐，抵雙管畫有書包。鄉情振觸程編阻，各自驅愁當解嘲。

簾後人如玉粹溫，謂錢禹牧達泉昆季整襟聆我輩。狂言世間果有斯風，

漢味外宜參此法門。黃嬭仍期究終始，素心難得數晨昏。蘭船栗杖行相訪，不獨馳書問水邨。

小舟兀坐卽事遣懷柬雲椒午樓八絕句



小就從知易著身，篙師搖艫疾於神。庾將軍尙能容足，何況江湖載酒人。

三人各據一蜻蛉，蓬打頭低足礙櫓。轉覺看山情不淺，沛徐寒岫入船青。

几不能張硯不臚，揮毫膝上選吟餘。別開新樣殊堪哂，跪著衣裳卧讀書。

飯後難將跬步移，夜眠覆首避風吹。衛生小訣吾差解，卽境何容自主持。

一葉衝風浪響，厖回看大編。滯沙隈安便，豈不懷寬處。那得長時快意來。

支頤寂眺楚天長，眉月初傳一棧黃。寄語多情午樓子，而今眞箇是淒涼。  
午樓兩月以來頗有淒涼之歎故戲及之

魯齋集卷三

十四

魚箔燈紅隔葦簾，撈蝦淺渚映虛簷。前身合是烟波長水景，頻看總不厭。

銜尾船如雁接群，相先相後語相聞。蒼茫別意從茲始，掉得餘波也張軍。

抵宿遷縣唐芝田司馬以所乘舟相送至淮漫賦一首邀雲椒午樓同作

又辭卑越得高踪，展拓筋骸縱懶容。廣廈庇人差可擬，慈航近岸適相逢。頻聯吟席揮長紙，不遠家山隔數峯。酒罷惺惺倚孤枕，未分襟已軫離悰。

抵淮與雲椒午樓別再賦一首

堤深樹老古淮津，此別驚神遂欲眞。千里江波數峯影，半帆寒色兩詩人。滿船燈火思前賞，躡屐溪橋訂後塵。多少喜憂相共

事又吟殘雪度蕭晨

寄謝芝田司馬三絕句

離緒三秋話一宵芳船借與蕩蘭橈知君心事隨流水相送長  
淮不覺遙

暖簾搖漾綠波如穩閣行裝雜置書昨日短篷今廣艦人生隨  
地有乘除

澹碧紗縈牡蠣窗風華難似此舲艘不知司馬來欹枕閑看何  
人剔淺缸

08084



